

Bagai 'pisang goreng panas'

*Ramai sanggup
beli udang
harimau
walaupun mahal*

MOHD AZLIM ZAINURY

MARANG

Udang gred A termasuk udang harimau dan udang putih bersaiz besar bagai 'pisang goreng panas' dan kini mula dijual di pasar-pasar utama dan di bahu jalan sekitar daerah Marang.

Walaupun harganya boleh mencecah RM100 hingga RM120 sekilogram, masih ada yang sanggup membelinya terutama masyarakat Tionghoa sempena sambutan Tahun Baharu Cina.

Seorang peniaga ikan se-



Jamal menunjukkan udang putih dan udang harimau yang mendapat sambutan luar biasa ketika ini.

gar, Jamal Ismail, 33, berkata, kebiasaananya sekitar November hingga Disember, udang harimau mula 'menjengah', namun tahun ini agak lambat kerana faktor musim tengkujuh.

"Sekarang udang harimau banyak diperoleh nelayan dan mula dijual di pasar dan di bahu jalan utama. Wa-

laupun harganya antara RM90 hingga RM100 sekilogram, pelanggan sanggup membelinya.

"Selain udang harimau, udang putih juga menjadi pilihan. Tetapi mestilah saiz yang besar-besar, dijual sekitar RM60 hingga RM80 sekilogram," katanya kepada *Sinar Harian*, semalam.



Perkara tersebut turut diakui seorang lagi peniaga, Mohamad Aziz, 50, yang berbuka, meskipun harga mahal tetapi berbaloi kerana keenakan sumber protein itu tiada tandingan berbanding udang jenis lain.

"Pembeli hanya akan cari saiz yang besar-besar, sebab kalau kecil bukan musim ini pun sudah biasa mereka makan. Setakat ini, harga udang

info

Udang harimau dijual antara RM90 hingga RM100 sekilogram, manakala udang putih saiz besar antara RM60 hingga RM80 sekilogram .

masih berpatutan dan sesuai dengan saiznya.

Udang harimau yang dijual di pasar utama daerah ini.

"Malah, harganya juga tidak jauh beza dengan tahun-tahun sebelum ini."

"Udang besar jenis ini boleh disimpan lebih lama, jika menggunakan kaedah penyimpanan yang betul," katanya.

Mohamad berkata, nelayan mula keluar menangkap udang jenis itu sejak beberapa hari lalu dan dijangka tanggapannya terus meningkat.